

فى المستشفى

كله باصص على كلمه بالشفا
ناس كئيبه وناس قاعده ماريفا
ناس بوخز الحقن اجسامها مزفزا
وناس محقونة فى قلبوها من مر الجفا

فى المستشفى

عيون مفتحه ومستنية قضاها
وعيون مغمضة من خجل اللى رائها
وعيون مدمعة من حسرة جواها
وعيون لسه هتفرح لما المرض ينساها

فى المستشفى

تسمع صوت انين وكلمه آه كثير
متسالش ليه ،دى آه من غير تفكير

آه على الالم ،على وجع المرير
آه على بيوت مشتاق ليها اللي راقدين على السرير
فى المستشفى

وجوة غريبه و راضيه بالقدر
فيهم اللي خف واللى هجر
فيهم اللي اتعفا واللى اتقبر
واللى مات فى يوم واللى لسه منتظر
فى المستشفى

شبابيك جميله و بصره على برة
تلاقى ناس ماشية وعيشتهم مرة
واللى جوة امر مرارة متحلاش بالمره
شباك فيه شمس غريبه مش من نفس المجره
فى المستشفى

ملايكه رحمه ولبس ابيض ناصع
واحد سامعك وواحد ما هو سامع

وناس وشها فيه اسباب
واللى مبتسم شحات قاعد على الباب
أوظفل فى أيد أمه

ميعرفش ان زيارته عقاب
اللى بيزور واللى معدور

وياما جوه الجراب

فى المستشفى

انفد بجلدك وحافظ على نفسك

واضحك فى كل ثانية فى نفسك

الدنيا قاسيه حننها انت بقلبك

والصحة حلوه طول ما انت متقى ربك

فى المستشفى